

საქართველოს უზენაესი სასამართლოს მოსამართლის თანამდებობაზე ასარჩევად საქართველოს პარლამენტისათვის წარსადგენი სამოსამართლო გამოცდილების მქონე მოსამართლეობის კანდიდატის შეფასების ფორმა

მოსამართლეობის კანდიდატის მაია კოპალეიშვილის შეფასების შედეგი:

მოსამართლეობის კანდიდატის შეფასება კეთილსინდისიერების კრიტერიუმის მიხედვით		
მოსამართლეობის კანდიდატი არ აკმაყოფილებს კეთილსინდისიერების კრიტერიუმს	<input type="checkbox"/>	
მოსამართლეობის კანდიდატი აკმაყოფილებს კეთილსინდისიერების კრიტერიუმს	<input type="checkbox"/>	
მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს	<input checked="" type="checkbox"/>	
მოსამართლეობის კანდიდატის შეფასება კომპეტენტურობის კრიტერიუმის მიხედვით		
კრიტერიუმი	მიღებული ქულა	მაქსიმალური ქულა
სამართლის ნორმების ცოდნა	17	20
სამართლებრივი დასაბუთების უნარი და კომპეტენცია	17	20
წერის უნარი	17	20
ზეპირი კომუნიკაციის უნარი	14	15
პროფესიული თვისებები, მათ შორის, ქცევა სასამართლო დარბაზში	15	15
აკადემიური მიღწევები და პროფესიული წვრთნა	5	5
პროფესიული აქტივობები	5	5
ქულათა ჯამი	90	100

სახელი, გვარი: ვასილ მშვენიაძე

თარიღი:

27.05.21



მაია კოპალეიშვილი

შეფასების დასაბუთება

საქართველოს უზენაესი სასამართლოს მოსამართლის შესარჩევ კონკურსში მონაწილე კანდიდატის მაია კოპალეიშვილის შეფასების დასაბუთების შედეგის პროცესში ვიხელმძღვანელებ „საერთო სასამართლოების შესახებ“ საქართველოს ორგანული კანონის 34¹ მუხლის მე-11 პუნქტით დადგენილი წესით.

მოსამართლეობის კანდიდატის შეფასება კეთილსინდისიერების კრიტერიუმის მიხედვით		კომენტარი
მოსამართლეობის კანდიდატი არ აკმაყოფილებს კეთილსინდისიერების კრიტერიუმს	<input type="checkbox"/>	<p>კანდიდატის კეთილსინდისიერების კრიტერიუმით შეფასება ეფუძნება სხვადასხვა უწყებებიდან გამოთხოვილ ინფორმაციას, კერძოდ:</p> <ul style="list-style-type: none"> - საქართველოს შინაგან საქმეთა სამინისტროს მონაცემებს კანდიდატის ადმინისტრაციული სამართალდარღვევების თაობაზე; - სს „კრედიტინფო საქართველოს“ მოწოდებულ სრულ პერსონალურ საკრედიტო ინფორმაციას; - საქართველოს ფინანსთა სამინისტროს შემოსავლების სამსახურის მონაცემებს კანდიდატის შემოსავლების შესახებ; - საჯარო სამსახურის ბიუროში კანდიდატის მიერ
მოსამართლეობის კანდიდატი აკმაყოფილებს კეთილსინდისიერების კრიტერიუმს	<input type="checkbox"/>	
მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს	<input checked="" type="checkbox"/>	

		<p>წარდგენილ ქონებრივი მდგომარეობის დეკლარაციას;</p> <p>- კანდიდატის სამუშაო ადგილიდან (საქართველოს საკონსტიტუციო სასამართლოდან და ივანე ჯავახიშვილის სახელობის თბილისის სახელმწიფო უნივერსიტეტიდან) მოწოდებულ ინფორმაციას კანდიდატის მიმართ დისციპლინური სამართალწარმოების შესახებ;</p> <p>აგრეთვე, მხედველობაში მივიღე კანდიდატის დახასიათების მიზნით წარმოდგენილი რეკომენდაციები და კანდიდატთან სამსახურებრივ და პირად ურთიერთობაში მყოფი პირებისგან გამოთხოვილი (სპეციალური კითხვარის ფორმით შედგენილ) დახასიათებები.</p> <p>გარდა ამისა, ვეყრდნობი კანდიდატთან გამართულ უშუალო გასაუბრებით მიღებულ შთაბეჭდილებას.</p> <p>1. პიროვნული კეთილსინდისიერება და პროფესიული სინდისი:</p> <p>მოძიებული მასალების თანახმად, კანდიდატის შემოსავლების დაუსაბუთებლობის ან უკანონობის ნიშნები არ გამოვლენილა. საქართველოს ფინანსთა სამინისტროს შემოსავლების სამსახურის ინფორმაციით 2020 წლის 12 ნოემბრის მდგომარეობით კანდიდატს საქართველოს სახელმწიფო ბიუჯეტის მიმართ დავალიანება არ ერიცხება.</p> <p>შინაგან საქმეთა სამინისტროს საინფორმაციო-ანალიტიკური დეპარტამენტიდან გამოთხოვილი ინფორმაციის თანახმად შესაფასებელი პერიოდის განმავლობაში კანდიდატს დაშვებული აქვს ექვსი საქართველოს ადმინისტრაციულ სამართალდარღვევათა კოდექსის 125-ე მუხლის პირველი და მე-8 ნაწილებით</p>
--	--	----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

გათვალისწინებული სამართალდარღვევა, შეფარდებული ჯარიმები გადახდილია დროულად, კანონმდებლობით დადგენილ ვადაში.

ზემოხსენებული მონაცემების, რეკომენდატორებისა და გამოკითხული პირების დახასიათებით, კანდიდატი გამოირჩევა კეთილსინდისიერებით და წესიერებით, აღნიშნულიდან გამომდინარე იგი კოლეგებსა და სტუდენტებს შორის სარგებლობს დიდი პატივისცემით, ამავდროულად არის პასუხისმგებლიანი და მისთვის პროფესიული სინდისი ძალიან მნიშვნელოვანია.

ხელთარსებული მონაცემებისა და დახასიათებების მიხედვით, შემიძლია დავასკვნა, რომ კანდიდატი სრულად აკმაყოფილებს პიროვნული კეთილსინდისიერების პროფესიული სინდისის მახასიათებელს.

2. დამოუკიდებლობა, მიუკერძოებლობა და სამართლიანობა

გასაუბრებით მიღებული შთაბეჭდილებითა და შესწავლილი მასალის ანალიზის შედეგად, უნდა ითქვას, რომ კანდიდატის პოლიტიკური ან სხვაგვარი მიკერძოებულობის, ასევე სხვადასხვა რელიგიის, რასის, ეროვნების, სოციალური, ეკონომიკური მდგომარეობის ადამიანებისადმი ტენდენციური ან შეუწყნარებელი დამოკიდებულების ნიშნები არ იკვეთება. გასაუბრებისას კანდიდატი ცდილობდა ყოველი დასმული საკითხი განეხილა, ღიად და ობიექტურად. მათა კოპალეიშვილს დამოუკიდებლობის, მიუკერძოებლობის და სამართლიანობის უნარს პოზიტიურად აფასებენ რეკომენდატორები და გამოკითხული პირები. გამორჩეულად აღნიშნავენ მის დამოუკიდებლობას და სამართლიანობას.

გასაუბრებაზე კანდიდატის მიერ ჩამოყალიბებული მოსაზრებების გათვალისწინებით, მიმაჩნია, რომ მას შესწევს დამოუკიდებლად ლოგიკური დასკვნის გაკეთებისა და საკუთარი პოზიციის დაცვის უნარი.

3. პიროვნული და პროფესიული ქცევა

წარმოდგენილი მასალების შესწავლითა და გასაუბრებით მიღებული შთაბეჭდილების მიხედვით, შემიძლია დავასკვნა, რომ კანდიდატი თავდაჭერილი და თავაზიანი ადამიანია. თითოეულ საკითხზე მსჯელობისას ამჟღავნებდა თანმიმდევრულობას, გულახდილობას და კორექტულობას. კანდიდატს პოზიტიურად აფასებენ რეკომენდატორები და გამოკითხული პირები. გარდა ამისა, გამორჩეულად აღნიშნავენ, რომ იგი არის მისაბამი ნებისმიერ სტუდენტისათვის, თავისი წესიერებით და პასუხისმგებლობის მაღალი გრძნობით, მას აქვს საინტერესო სამუშაო გამოცდილება, დაწყებული არასამთავრობო სექტორიდან დამთავრებული საქართველოს საკონსტიტუციო სასამართლოს მოსამართლეობით. ამავდროულად მას აქვს კომუნიკაციის კარგი უნარი.

არსებული ინფორმაციით, საქართველოს საკონსტიტუციო სასამართლოში მუშაობის პერიოდში მან კოპალეიშვილის მიმართ დისციპლინური დევნა ან/და ადმინისტრაციული წარმოება არ განხორციელებულა. აგრეთვე სსიპ ივანე ჯავახიშვილის სახელობის თბილისის სახელმწიფო უნივერსიტეტის მიერ მოწოდებული ინფორმაციით, იურიდიული ფაკულტეტის პროფესორის მან კოპალეიშვილის მიმართ დისციპლინური დევნის ან/და ადმინისტრაციული წარმოების თაობაზე ინფორმაცია არ

	<p>ფიქსირდება. კანდიდატი სასამართლოში მხარედ არ გამოსულა. მის მიმართ სისხლისსამართლებრივი წარმოება არ განხორციელებულა.</p> <p>4. პიროვნული და პროფესიული რეპუტაცია</p> <p>კანდიდატის რეკომენდატორებისა და მასთან პიროვნულ და პროფესიულ ურთიერთობაში მყოფი პირების დახასიათება-შეფასებების მიხედვით, შემიძლია დავასკვნა, რომ კანდიდატი სარგებლობს, კარგი რეპუტაციის მქონე და კვალიფიციური იურისტის სახელით. კოლეგები აღნიშნავენ, რომ კანდიდატს აქვს საკმაოდ მჭიდრო საქმიანი კონტაქტები აკადემიურ წრეებთან. არის არაერთი წიგნის, სტატიისა და პუბლიკაციის ავტორი.</p> <p>კანდიდატის შესახებ ინტერნეტში მოპოვებულ იქნა სხვადასხვა ხასიათის ინფორმაცია, კერძოდ მის მიერ განხილულ რიგ საქმეებთან დაკავშირებით, "რუსთავი 2-ის", შპს "ტელეკომპანია საქართველოს", ე.წ. "მარიხუანას" და სხვა. რომლის ფარგლებშიც ერთ შემთხვევაში საკითხი ეხებოდა აცილების საკითხს ნათესაური კავშირის და წარსულში მოადგილედ მუშაობის გამო. მედიაში გავრცელებული ინფორმაციით მიკერძოების ნაწილში იყო სხვადასხვა პოზიციები, კომენტარები პოლიტიკოსების და არასამთავრობო ორგანიზაციების მხრიდან.</p> <p>რეკომენდატორები კანდიდატის პიროვნულ ან პროფესიულ ნაკლოვანებებზე აღნიშნავენ, რომ სამართლიანობის პრინციპებისადმი ერთგულება ზოგჯერ იწვევს მის მიმართ ადამიანების განაწყენებას და ასევე უთითებენ, რომ იგი დილით ნაკლებად აქტიურია ვიდრე</p>
--	------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

		<p>საღამოს, თუმცა რაიმე სახის მაგალითს არ უთითებენ.</p> <p>5. ფინანსური ვალდებულება</p> <p>მოძიებული ინფორმაციის მიხედვით, მაია კოპალეიშვილის საკრედიტო, ან სხვა სახის მიმდინარე ვადაგადაცილებული ფინანსური (მათ შორის ბიუჯეტის მიმართ) ვალდებულება არ გააჩნია. როგორც უკვე აღინიშნა, შესაფასებელი პერიოდის განმავლობაში კანდიდატმა დაუშვა ექვსი ადმინისტრაციული სამართალდარღვევა, ექვსივე შემთხვევაში დაკისრებული ადმინისტრაციული სახდელი (ჯარიმა) გადახდილი აქვს კეთილსინდისიერად, კანონმდებლობით დადგენილ ვადაში.</p> <p>საბოლოოდ, ყოველივე ზემოაღნიშნულის გათვალისწინებით, არ ვლინდება კანდიდატის კეთილსინდისიერების ეჭვქვეშ დაყენების რაიმე საფუძველი. შესაბამისად, მიმაჩნია, რომ იგი სრულად აკმაყოფილებს კეთილსინდისიერების კრიტერიუმს.</p>
<p>მოსამართლეობის კანდიდატის შეფასება კომპეტენტურობის კრიტერიუმის მიხედვით</p>		<p>კომენტარი</p>
<p>კრიტერიუმი</p>	<p>მიღებული ქულა</p>	<p>მაქსიმალური ქულა</p>

სამართლის ნორმების ცოდნა	17	20	<p><u>სამართლის ნორმის ცოდნის მახასიათებლით კანდიდატის შეფასება ეფუძნება მის მიერ წარმოდგენილ სამეცნიერო, პუბლიკაციებს და ერთი სასამართლო გადაწყვეტილების ანალიზს და კანდიდატთან ჩატარებული უშუალო გასაუბრებით მიღებულ შთაბეჭდილებას.</u></p> <p>აღნიშნულზე დაყრდნობით, შეიძლება ითქვას, რომ მათა კოპალეიშვილი კარგად ფლობს საქართველოს ადმინისტრაციულ და საკონსტიტუციო სამართლის მატერიალურ და საპროცესო საფუძვლებს. მას სწორად ესმის გამოყენებული სამართლებრივი ნორმების შინაარსი და დანიშნულება. წარმოდგენილი ნაშრომების ანალიზი ცხადყოფს, რომ კანდიდატს შესწევს უნარი სწორად მოიძიოს კონკრეტულ ადმინისტრაციულ-სამართლებრივ საკითხთან დაკავშირებული მასალა, სწორად დასვას სამართლებრივი პრობლემა და სიღრმისეულად განიხილოს მისი გადაწყვეტის გზები. გააჩნია დასმული საკითხის ზუსტად წარმოჩენისა და საგნობრივი ანალიზის, თანმიმდევრული მსჯელობის საფუძველზე ლოგიკური დასკვნის გამოტანის უნარი. წარმოდგენილი მასალის მიხედვით ნათელია, რომ კანდიდატი საფუძვლიანად იცნობს როგორც შიდასახელმწიფო, ასევე საერთაშორისო სასამართლო პრაქტიკას. ასევე ფლობს ცოდნას კონსტიტუციური პრინციპებისა და უფლებების რეალიზების აქტუალურ საკითხებზე.</p> <p>კანდიდატთან ჩატარებულმა გასაუბრებამ ცხადყო, რომ კანდიდატის უნარი დასმული საკითხის ზუსტად წარმოჩენისა და საგნობრივი ანალიზისა შედარებით დაბალი ხარისხისაა</p>
--------------------------	----	----	---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

			<p>ზეპირი კომუნიკაციისას და თეორიული სამართლებრივი ნორმებსაც ნაკლებად მოიხმობს.</p>
<p>სამართლებრივი დასაბუთების უნარი და კომპეტენცია</p>	<p>17</p>	<p>20</p>	<p><u>სამართლის ნორმის ცოდნის მახასიათებლით კანდიდატის შეფასება ეფუძნება მის მიერ წარმოდგენილ სამეცნიერო, პუბლიკაციებს და ერთი სასამართლო გადაწყვეტილების ანალიზს და კანდიდატთან ჩატარებული უშუალო გასაუბრებით მიღებულ შთაბეჭდილებასა და მისი პროფესიული გამოცდილების შეფასებას.</u></p> <p>მიმაჩნია, რომ შესწავლილ სამეცნიერო, პუბლიკაციების და გადაწყვეტილების შეფასებით კანდიდატის მიერ ჩამოყალიბებული მოსაზრებები ფაქტობრივი და სამართლებრივი თვალსაზრისით არგუმენტირებულია და დასაბუთებული. კანდიდატს შეუძლია სამართლებრივი პრობლემის არსის სწორად დანახვა, ძირითად საკითხზე კონცენტრირება და მისი ანალიზი. კანდიდატს გააჩნია თანმიმდევრული მსჯელობისა და ლოგიკური დასკვნის გაკეთების უნარი. თუმცა, გასაუბრების მიმდინარეობისას ზოგიერთი სამართლებრივი საკითხის განხილვისას კანდიდატს გაუჭირდა საკუთარი მოსაზრების მყარად და არგუმენტირებულად დასაბუთება.</p> <p>მაია კოპალეიშვილს 30 წლიანი პროფესიული გამოცდილება აქვს, მათ შორის თბილისის საქალაქო სასამართლოს ადმინისტრაციულ საქმეთა კოლეგიაში მოსამართლედ და ამავე კოლეგიის თავმჯდომარედ და საქართველოს საკონსტიტუციო სასამართლოს მოსამართლედ.</p>

წერის უნარი	17	20	<p>წერის უნარის მახასიათებლით შეფასება ეფუძნება მის მიერ წარმოდგენილ სამეცნიერო, პუბლიკაციებს და ერთი სასამართლო გადაწყვეტილების ანალიზს, რეკომენდატორებისა და გამოკითხული პირების დახასიათებებს.</p> <p>კანდიდატის მიერ წარმოდგენილი პუბლიკაციები შესრულებულია გასაგები ენით და იკითხება ადვილად. აზრი ნათლად და გარკვევით არის გადმოცემული. შემიძლია დავასკვნა, რომ იგი ადეკვატურად გადმოსცემს სათქმელს როგორც ენობრივად, ისე პროფესიული სპეციფიკის გათვალისწინებით. იურიდიული ტერმინოლოგია ბუნებრივად არის ჩართული საერთო ენობრივ კონტექსტში. მიმაჩნია, რომ წერილობითი მასალა დაინტერესებული პირისათვის რთულად აღსაქმელი არ არის. შესწავლილ მასალაში თვალსაჩინო გრამატიკული ან რედაქციული ხასიათის შეცდომები არ გამოვლენილა.</p> <p>კანდიდატის წერის უნარი პოზიტიურად აქვს დახასიათებული რეკომენდატორებსა და გამოკითხულ პირებს, აღნიშნავენ რომ მათ კოპალეიშვილს შესრულებული აქვს არაერთი სამეცნიერო ნაშრომი თუ სახელმძღვანელო, რომელსაც მნიშვნელოვანი როლი გააჩნია, როგორც სასწავლო ისე იურიდიულ პრაქტიკაში და ამავდროულად გამოირჩევა წერის მაღალი კულტურით და აკადემიურობით.</p>
ზეპირი კომუნიკაციის უნარი	14	15	<p>ზეპირი კომუნიკაციის უნარის მახასიათებლით შეფასება ეფუძნება, კანდიდატთან ჩატარებული უშუალო გასაუბრებით მიღებულ შთაბეჭდილებას, რეკომენდატორებისა და</p>

			<p><u>გამოკითხული პირების დახასიათებებს.</u></p> <p>შედეგად, მივიჩნევ, რომ კანდიდატი ძირითადად მეტყველებს გარკვევით, საუბრისას საკმაოდ მშვიდი და გაწონასწორებულია. გააჩნია დასმული შეკითხვის არსის სწორად აღქმისა და სხვის მიერ გამოთქმული აზრის მოთმინებით მოსმენის უნარი. ჩემი აზრით, საკუთარ მოსაზრებას ძირითადად ლაკონურად და ცხადად გადმოსცემს. მისი მსჯელობა როგორც წესი თანმიმდევრული და ლოგიკურად გამართულია. მას შეუძლია დაიცვას საკუთარი პოზიცია. ზოგადად, დატოვა ტაქტიანი და კომუნიკაბელური ადამიანის შთაბეჭდილება. გასაუბრებისას კანდიდატი არ ღელავდა, იყო თავდაჯერებული.</p> <p>კანდიდატის ზეპირი კომუნიკაციის უნარი პოზიტიურად აქვს შეფასებული რეკომენდატორებისა და გამოკითხულ პირებს.</p>
<p>პროფესიული თვისებები, მათ შორის, ქცევა სასამართლო დარბაზში</p>	<p>15</p>	<p>15</p>	<p><u>პროფესიული თვისებების მახასიათებლით კანდიდატის შეფასებისას დავეყრდენი, საქართველოს საკონსტიტუციო სასამართლოს მიერ მოწოდებულ სტატისტიკურ მონაცემებს (2017 წლიდან 2019 წლის 5 დეკემბრის მდგომარეობით), რეკომენდატორებისა და გამოკითხული პირების დახასიათებებს.</u></p> <p>საქართველოს საკონსტიტუციო სასამართლოს მიერ მოწოდებული სტატისტიკური მონაცემების თანახმად: 2017 წლიდან 2019 წლის 5 დეკემბრის ჩათვლით, მაია კოპალეიშვილს მონაწილეობა აქვს მიღებული 170 საქმის განხილვაში. მისი მონაწილეობით საქართველოს</p>

			<p>საკონსტიტუციო სასამართლომ მიიღო 32 გადაწყვეტილება, 80 განჩინება და 68 საოქმო ჩანაწერი.</p> <p>რეკომენდატორებისა და გამოკითხული პირების მიერ მოწოდებული ინფორმაციის თანახმად, მათ კოპალეიშვილი გამოირჩევა თავისი კეთილსინდისიერებით, პრინციპულობით, სამართლიანობითა და დამოუკიდებლობით.</p>
აკადემიური მიღწევები და პროფესიული წვრთნა	5	5	<p><u>აკადემიური მიღწევებისა და პროფესიული წვრთნის მახასიათებლით კანდიდატის შეფასებისას დავეყრდენი მოპოვებულ ინფორმაციას, რეკომენდატორებისა და გამოკითხული პირების დახასიათებებს.</u></p> <p>მათ კოპალეიშვილმა 2005 წელს ჩააბარა მოსამართლის საკვალიფიკაციო გამოცდა სამოქალაქო და ადმინისტრაციული სამართლის სპეციალიზაციით.</p> <p>კანდიდატი დახასიათებულია, მაღალი რეპუტაციის მქონედ, როგორც კოლეგებში ისე სტუდენტებში. თავისი პროფესიული ცხოვრების განმავლობაში მუდმივად იმყოფება ცოდნის განახლების პროცესში. არის არაერთი რეფორმის ინიციატორი, საერთაშორისო და რეგიონული კონფერენციების მონაწილე, ტრენინგების ტრენერი და სხვადასხვა საგრანტო პროექტების მონაწილე.</p> <p>მიმაჩნია, რომ კანდიდატს შეუძლია საკუთარი ცოდნისა და პროფესიული უნარების რეალიზება.</p>
პროფესიული აქტივობა	5	5	<p><u>პროფესიული აქტივობის მახასიათებლით კანდიდატის</u></p>

			<p><u>შეფასება ეფუძნება მის მიერ მოწოდებულ ინფორმაციას.</u></p> <p>კანდიდატს გამოქვეყნებული აქვს 12-ზე მეტი პუბლიკაცია და სტატია, არის თანაავტორი ხუთი სახელმძღვანელოსი, ეწევა პედაგოგიურ საქმიანობას.</p> <p>კანდიდატი ბოლო წლების განმავლობაში მონაწილეობდა სამართლებრივი საკითხებზე მოწყობილ 10-ზე მეტ ტრენინგსა და სემინარზე.</p>
ქულათა ჯამი	90	100	

სახელი, გვარი: ვასილ მშვენიერაძე

თარიღი: 27.05.21

ხელმოწერა:

